

MAHINUNGDANONG MGA BUTANG PARA SA PAGPAHIULI SA IGLESIAHANONG KINABUHI

(Biyernes—Unang Sesyon sa Buntag)

Mensahe 1

Ang Kalabot sa Pagbulig Nato sa Ginoo aron Mapadangat ang Bag-ong Pagkadasig Pag-usab nga Motapos Ning Panahona

Basahong Kasulatan: Hab. 3:2; Buh. 26:19, 22; Mat. 14:19, 22-23; Fil. 1:19-22, 25;
Juan 21:15-17

- I. **Diha sa mga pinili sa Dios kanunay gyong dunay pangandoy nga madasig pag-usab—Hab. 3:2; Hosea 6:2; Rom. 8:20-22; Sal. 119:25, 50, 107, 154; Juan 6:57, 63; 2 Cor. 3:3, 6.**
- II. **Makasulod ta sa bag-ong pagkadasig pag-usab sa pagdangat nato sa kinahabogang punto sa diosnong pinadayag nga gihatag sa Dios kanato—ang pinadayag sa walay kataposang pamatigayon sa Dios (1 Tim. 1:3-4; 1 Cor. 9:17; Buh. 26:19, 22); kini ang dakong tubag sa dakong pangutana kalabot sa tuyo sa Dios sa paglalang Niya sa tawo ug sa pagtagad Niya sa Iyang piniling katawhan (Gen. 1:26; Job 10:13; itandi sa Efe. 3:9):**
 - A. Ang misteryo nga natago sa kasingkasing sa Dios mao ang walay kataposang pamatigayon sa Dios (1:10; 3:9; 1 Tim. 1:4), nga mao ang walay kataposang tuyo sa Dios uban sa gitinguha sa Iyang kasingkasing nga ipaambit ang Iyang Kaugalingon diha sa Iyang Diosnong Trinidad ingon nga Amahan diha sa Anak pinaagi sa Espiritu nganha sa piniling katawhan Niya aron mahimong kinabuhi ug kinaiya nila para masama sila Niya isip hulad Niya (Rom. 8:29; 1 Juan 3:2), aron mahimong organismo, ang Lawas ni Cristo ingon nga bag-ong tawo (Efe. 2:15-16), alang sa kahupnganan sa Dios, pagpadayag sa Dios (1:22-23; 3:19), nga mahingpit sa Bag-ong Jerusalem (Bug. 21:2—22:5).
 - B. Ang Dios nga nahimong tawo aron mahimong Dios ang tawo sa kinabuhi ug kinaiya apan dili sa ranggo sa pagka-Dios aron mapalugwa ug matukod ang Lawas ni Cristo nga maghingpit sa Bag-ong Jerusalem maoy unod sa tibuok Biblia, ang “diamante” nga naa sa “kahon” sa Biblia, ang walay kataposang pamatigayon sa Dios—Gen. 1:26; Juan 12:24; Rom. 8:29:
 1. Nahimong tawo ang Dios pinaagi sa pagpakatawo sa pag-ambit Niya sa pagka-tawo sa tawo; mahimong Dios ang tawo sa kinabuhi ug kinaiya apan dili sa ranggo sa pagka-Dios pinaagi sa pagtransporma sa pag-ambit niini sa pagkadios sa Dios—Juan 1:14; 2 Cor. 3:18; Col. 3:4; 2 Ped. 1:4; Fil. 2:5; Rom. 8:29; Heb. 2:10; Efe. 1:5; Rom. 8:19; 1 Juan 3:2; Juan 1:12-13.
 2. Kining diosnon-tawhanong paghigugmaay maoy hisgotanan sa tibuok Biblia, ang sulod sa pamatigayon sa Dios, ug ang sekreto sa tibuok uniberso—A. S. 1:1; 6:13; itandi sa Hab. 1:1; 2:4; Rom. 1:17:
 - a. Diosnon ug tawhanon si Cristo, ug tawhanon ug diosnon ang natranspormang maghihigugma Niya; managsama sila sa kinabuhi ug kinaiya, hingpit gyong nahiangay sa usag usa.
 - b. Ang Tulo-usang Dios nga nahingpit aron mahimong Bana ug ang tawong dunay tulo ka bahin nga natransporma aron mahimong pangasaw-onon

mahimong usa ka magtiayon, ang hiniusa nga dakong Dios-tawo—Bug. 21:2, 9; 22:17.

- C. Ang sentrong pinadayag sa Dios ug sa pahiuli sa Ginoo mao ang Dios nga nahimong unod (Juan 1:1, 14), ang unod nga nahimong Espiritung taghatag-og-kinabuhi (1 Cor. 15:45), ug ang Espiritung taghatag-og-kinabuhi nga nahimong Espiritung gipakusgan sa pito ka pilo (Bug. 1:4; 3:1; 4:5; 5:6) aron matukod ang iglesia (Mat. 16:18) nga mahimong Lawas ni Cristo (Efe. 4:15-16) ug maghingpit sa Bag-ong Jerusalem (Bug. 21:2, 9; 22:17; itandi sa Gen. 2:22; Juan 19:34).
- D. Mahimong usa ka persona ang Dios ug tawo, ug kanang usa ka persona mao ang panagsagol sa Dios ug tawo, nga mahingpit sa Bag-ong Jerusalem nga konklusyon sa tibuok Biblia—Bug. 21:3, 22, 2, 9; itandi sa Lev. 2:4-5; Sal. 92:10.
- E. Nanghinaot ko nga makakita ning pinadayaga ang mga balaan sa tanang iglesia sa tibuok yuta, ilabi na ang mga masigka-magbubuhay ug mga anciano ug mamangon dayon ug mag-ampo nga hatagan unta ta sa Dios og bag-ong pagkadasig pag-usab—pagkadasig pag-usab nga wala pa sukad masulat sa kasaysayan”—*Life-study of 1 & 2 Chronicles*, p. 15

III. Kon batasanon nato ang pagkinabuhi sa kinabuhi sa Dios-tawo, nga maoy realidad sa Lawas ni Cristo, diha-dayon matukod ang hiniusang sumbanan, ang sumbanang magkinabuhi diha sa pamatigayon sa Dios; kining sumbanana ang kinadak-ang pagkadasig pag-usab sa kasaysayan sa iglesia nga makapabalik sa Ginoo—Sal. 48:2 ug nota 1; Bug. 3:12, 21:

- A. Nagkinahanglan ang Dios og hiniusang katawhan nga pabangonon sa Iyang grasya pinaagi sa habog nga punto sa diosnong pinadayag aron magkinabuhi sa kinabuhing uyon ning pinadayaga; ang pagkadasig pag-usab maoy pagbatasan, pagpraktikal, sa panan-awong nakita nato.
- B. Natinun-an ang mga magsusunod ni Cristo (Mat. 5:1; 28:19) tungod sa pagkinabuhi Niya isip tawo dinhi sa yuta, isip sumbanan sa Dios-tawo—nagkinabuhi sa Dios sa pagdumili Niya sa Iyang Kaugalingon diha sa pagka-tawo (Juan 5:19, 30), nag-usab sa ilang pangagpas bahin sa tawo (Fil. 3:10; 1:21).
- C. Kopya, hulad, gyod unta ang atong kinabuhi sa sumbanan sa kinabuhi ni Cristo, sa unang Dios-tawo—1 Ped. 2:21; Mat. 11:28-29; Efe. 4:20-21; Juan 17:4; 5:17; Fil. 1:19-22, 25.
- D. Ang Espiritu sa kinabuhi ug sa realidad nga giginhawa ngadto sa mga tinun-an maggiya nila ngadto sa tanang realidad sa napanid-an nila sa Ginoo sa nakig-uban sila Niya sa tulo ug tunga ka tuig—Juan 16:13; 20:22:
 - 1. Sa pagsugod sa pagpangalagad sa unang Dios-tawo, gibautismohan Siya aron matuman ang tanang pagkamatarong, kay niila man nga segun sa Iyang unod (sa Iyang pagka-tawo—1:14; Rom. 1:3; 8:3), angayan ra Siyang mamatay ug ilubong—Mat. 3:15-17.
 - 2. Gibansay Niya ang Iyang mga tinun-an nga makat-on Niya (11:29) sa pagmilagro Niya sa pagpakaon sa lima ka libo ka tawo sa lima ka tinapay ug duha ka isda; ang “paghangad [Niya] sa langit” aron panalanginan ang lima ka tinapay ug duha ka isda (14:19) nagpakita nga nakaamgo Siya nga dili Siya, ang Pinadala, maoy tinubdan sa panalangin, kondili ang Amahan, ang Nagpadala (Juan 10:30; 5:19, 30; 7:6, 8, 18).
 - 3. Wala magpabilin ang Ginoo sa resulta sa milagro uban sa mga panon sa katawhan; nipalayo hinuon Siya nila aron makig-uban sa Amahan didto sa bukid sa pag-ampo—Mat. 14:22-23; Luc. 6:12.
 - 4. Nagkinabuhi ang Ginoo sa kinabuhing nikonat sa Dios (Mar. 1:35; Luc. 5:16; 6:12; 9:28; Heb. 7:25), walay undang nga nagkinabuhi sa presensya sa Dios

(Buh. 10:38; Juan 8:29; 16:32), ug nangontak og mga tawo, nangalagad og Dios kanila aron madala sila ngadto sa tinghugyaw sa pamatigayon sa Dios sa Bag-ong Tugon (Luc. 4:18-19; Heb. 8:2; itandi sa Gen. 14:18; Buh. 6:4).

5. Tawo Siya nga walay mahimo (walay luna, walay higayon, walay paglaom, walay purohan sa bisan unsa) si Satanas, nga magbubuot sa kalibotan—Juan 14:30, itandi sa v. 20; 2 Cor. 12:2; Col. 1:27; 2 Tim. 4:22; Juan 3:6; 4:23-24; 1 Juan 5:4, 18.
- E. Ang bugtong paagi nga makakinabuhi ta sa kinabuhi sa Dios-tawo segun sa sumbanan sa Ginoong pagpatumong man sa tibuok natong pagkatawo sa nasagol nga espiritu, paggawi, pagkinabuhi, ug pagpaanaa sa atong pagkatawo uyon sa nasagol nga espiritu—Rom. 8:2, 4, 10, 6, 11, 16; 1 Cor. 6:17; Rom. 10:12; Gal. 5:25; Efe. 6:17-18; 1 Tes. 5:16-20; 1 Tim. 4:6-7; 2 Tim. 1:6-7.
- F. “Mopahayag gyod tang tanan nga gusto tang magkinabuhi sa kinabuhi sa Dios-tawo. Sa kaulahian, ang mga Dios-tawo mao ang mga mananaog, ang Sion sulod sa Jerusalem. Magpadangat kinig bag-ong pagkadasig pag-usab nga wala pa sukad igkita sa kasaysayan, ug magtapos kini ning panahona”—*Life-study of 1 and 2 Chronicles*, p. 28.

IV. Makasulod ta sa bag-ong pagkadasig pag-usab sa pag-apil nato sa langitnong pagpangalagad ni Cristo sa pagpakaon sa Iyang mga nating karnero ug pagpangatiman sa Iyang mga karnero aron maatiman ang panon sa Dios, nga mao ang iglesia nga moresulta sa Lawas ni Cristo; pagtagik kini sa pagpangalagad sa mga apostol sa langitnong pagpangalagad ni Cristo—Juan 21:15-17; 1 Ped. 2:25; 5:1-4; Heb. 13:20-21; Bug. 1:12-13:

- A. Mangatiman gyod ta sa mga tawo segun sa sumbanan ni Ginoong Jesus sa pagpangalagad Niya aron matuman ang walay kataposang pamatigayon sa Dios—Mat. 9:36; Juan 10:11; Heb. 13:20; 1 Ped. 5:4:
 1. Ang sulod sa tibuok pamatigayon sa Dios sa Bag-ong Tugon sa kompletong kaluwasan Niya mao si Cristo nga Anak sa Tawo nga nagpangga nato sa pagtubos Niya kanato gikan sa sala, nga naghuman sa balaodnong katubsanan Niya pinaagi sa Iyang kamatayon (1 Tim. 1:15; Efe. 1:7), ug si Cristo nga Anak sa Dios nga nagtil-og nato aron madagayaong ipaambit ang diosnong kinabuhi kanato, nga nagtuman sa organicong kaluwasan Niya sa Iyang pagkabanhaw (Juan 10:10; 1 Cor. 15:45; Efe. 5:29).
 2. Kanang wala tay mahigugmaon ug mapasayloong kasingkasing sa Amahan ug walay maatimanon ug mapangitaong espiritu sa Manluluwas maoy hinungdan sa pagkawalay-bunga nato—Luc. 15:1-24.
 3. Panggaon gyod nato ang mga tawo (lipayon sila ug pabation og kahimuot ug kahayahay) diha sa pagka-tawo ni Jesus (Mat. 9:10; Luc. 7:34); til-ogan gyod nato ang mga tawo (pakan-on silag Cristo nga malangkobon-sa-tanan sa pagpangalagad Niya nga dunay tulo ka hugna) diha sa pagkadios ni Cristo—Mat. 24:45-47.
 4. Niagi gyod si Cristo sa Samaria, nituyo gyod Siyag liko sa Sicar aron mabatonan ang usa ka babayeng walay moralidad, gipangga siya sa pagpangayo kaniyag mainom aron matil-ogan Niya siya sa nag-agay nga Tulo-usang Dios nga suba sa tubig sa kinabuhi—Juan 4:3-14; Bug. 22:1.
 5. Sa pagkawalay-sala Niya, wala Siya mohukom sa babayeng mananapaw, gipangga hinuon Niya kini aron balaodnong mapasaylo ang iyang mga sala ug organico siyang mapahigawas sa iyang mga sala (Juan 8:1-11, 32, 36); makahuloganon sab nga ang unang giluwis ni Cristo sa pagkalansang Niya sa krus usa ka tulisang gisentensyahan nga mamatay (Luc. 23:42-43).

6. Niadto ang Ginoo sa Jerico aron lang mamisita ug mabatonan ang usa ka tawo, nga punoang maniningil sa buhis, ug pagpangatiman ang pagsangyaw Niya (19:1-10); gipangga sab Niya ang mga ginikanan sa pagtapion Niya sa Iyang mga kamot sa ilang mga bata (Mat. 19:13-15).
- B. Mangatiman gyod ta sa mga tawo segun sa sumbanan ni apostol Pablo, nga nangatiman sa mga balaan ingog inahang nagpasuso ug amahang nanambag aron maatiman ang panon sa Dios—1 Tes. 2:7-8, 11-12; 1 Tim. 1:16; Buh. 20:28:
1. Giatiman ni Pablo ang mga balaan sa Efeso sa pagpanudlo kanila “atubangan sa katawhan ug sa balaybalay” (v. 20) ug sa pagtambag sa matag usa ka balaan uban sa mga luha sa tulo ka tuig (vv. 31, 19), nagpahayag sa laraw sa Dios kanilang tanan (v. 27).
 2. Suod gyong nagtagad si Pablo sa mga magtutuo (2 Cor. 7:2-7; Filem. 7, 12), ug nanaog siya sa kahimtang sa mga maluyahon aron mabatonan niya sila (2 Cor. 11:28-29; 1 Cor. 9:22; itandi sa Mat. 12:20).
 3. Andam siyang mogasto sa naa niya, nga nagpasabot sa iyang katigayonan, ug mogasto sa pagkamao niya, nga nagpasabot sa iyang pagkatawo, tungod ug alang sa mga balaan (2 Cor. 12:15); halad nga ilimnon siya, nga nausa ni Cristo nga tigpalugwag bino, nisakripisyo sa iyang kaugalingon aron maka-pahimulos ni Cristo ang uban (Fil. 2:17; Huk. 9:13; Efe. 3:2).
 4. Naggawi si Pablo sa Espiritu aron magpasidungog sa Dios ug ikapangalagad niya ang Espiritu aron magpasidungog sa tawo—2 Cor. 3:3, 6, 8; Gal. 5:16, 25; Huk. 9:9.
 5. Gipakita ni Pablo sa iyang pagtulon-an nga ang iglesia panimalay nga momatuto sa mga tawo, balay-tambalanan nga moayo ug mopahiuli nila, ug tunghaan nga motudlo ug momatuto nila—Efe. 2:19; 1 Tes. 5:14; 1 Cor. 14:31.
 6. Gipadayag niya nga ang gugma maoy labing maayong paagi nga mahimo tang bisan unsa ug makabuhat og bisan unsa aron matukod ang Lawas ni Cristo—8:1; 12:31; 13:4-8; Efe. 1:4; 3:17; 4:2, 15-16; 5:2; 6:24; Bug. 2:4-5; Col. 1:18; 1 Tes. 1:3.
- C. “Naglaom ko nga mahitabo ang tinuod nga pagkadasig pag-usab diha nato sa pagdawat nato ning luwan sa pagpangatiman. Kon modawat ang tanang iglesia ning pagtulon-ana ug mosalmot sa nindot nga pagpangatiman ni Cristo, mahitabo gyod ang dakong pagkadasig pag-usab diha sa pahiuli”—*The Collected Works of Witness Lee, 1994–1997*, vol. 5, “The Vital Groups,” p. 92.